

definitionem rejicit Joh. Jac. à Canib. part. 1. num. 3. scribendo: *Mibi non plenè satisfacit, quoniam quidam sunt Executores honorarij, qui non debent exequi, sed habent consulere vel hortari.* Ergò* substituit aliam: *Executor s. v. Commissarius ea fertur esse persona, cujus ope ac consilio ultima voluntas ad effectum perducitur;* putatque hanc definitionem non æque, ac priorem, heredi vel fideicommissario convenire. Jac.* de Arena tr. de Commiss. num. 2. hanc tradit: *Commissarius est, cujus maxime fidei prærelictorum dispositio seu distributio committitur.* Et* quis omnes adducere velit? Pleræque, etiam illa, quam Joh. Jac. à Canib. excipit, mixtum executorem immiscent, à quo tamen hic abstinere placet. Unde* omnium proximè ad nostrum scopum collimabunt, qui Executorem merum descriperunt; licet non adeò in genere assignando (nam e. g. aliquibus quasi procurator dicitur. vid. Gratian. discept. For. c. 163. n. 67.) convenient. Non vacat ex singulis conscribere: Satis esto, quod nostram sententiam exhibemus. Executores* enim ultimarum voluntatum nobis sunt, personæ principaliter ad id constitutæ, ut legitimam testatoris voluntatem adimpleant. De singulis hujus descriptionis verbis in seqq. antea tamen de Divisione.

CAPUT III.

De Divisione Executorum U. V.

IN* veterum Jctorum scriptis divisio executorum nostrorum multis difficultatibus implicatur; nam, ut habet Oldendorp. cit. tit. 2. *Dd. rixantur de nominibus, negligentes rem ipsam; multas executorum species distinguunt subtiliter magis, quam cum utilitate fori.* Nos* relictis aliter sententiarum opinionibus, Primum à causa Eff. ipsos distinguimus in Conventos, Testamentarios, Legitimos, & Dativos; teste Specul. de Instrum. Edit. §. 14. in pr. nonnihil ad similitudinem tutorum, de quibus in l. 52. C. de Episcop. & Cler. & passim. Conventos* EE. diceremus, si testator ipse mandato, aliisve pactis de hujusmodi distributoribus ultimæ voluntati suæ provideret. arg. l. 12. §. fin. l. 13. ff. mand. Philipp. de Franch. Perusin. consil. 116. quod extat in volum. 1. Consil. à Joh. Zileto, l. V. D. Veneto, Colletor. num. 14. & 41. aut si quem executor constitutus substitueret. vid. infra cap. 4. circa fin. Testamentarii* sunt, quos testator ultima voluntate specialiter designavit ad illam, vel aliam ultimam voluntatem suam,

C

suam,